

ապրում: Ամէն քայլափոխի Լալա-Փաշայի աւերածերն են, արուեստի եւ գիտութեան այդ ոխերիմ թշնամու գործերը զայրոյթ են պատճառում: Բնութեան այս դրախտի մէջ դարեր ու դարեր արհեստաւորն ու երկրագործը կեանքը զարգացրել, քաղցրացրել, հսկայական շէնքերով գեղեցկացրել են. իսկ տգիտութիւնն ու բռնակալութիւնը կործանել ու խոպանացրել են:

Թորդում վտակը ակունքից մինչեւ գաւառի ոստանն հասնելը աջ կողմից ընդունում է Կըզըլ-Լայա, Դոււլու, Թեմլսա, Գասերիկ, Բաբաք, Սալքմիւնէ, առ-ըը. իսկ ձախից՝ Չավուրմա, Էյրի-չայիր, Զինակեր, Կուգվանց, Խոշպերեֆ, Վալստիգանց, Խաշնուտ, Նորշէն, Միգոտ եւ Կեսուկ առ-ըը, որոնք ուղղում են համանուն գեղերը, նրանց ախոռները, մացրանները, եայլանները, ձմեռանոցները, բերդերն ու ամրոցները, վանքերն ու այրերը: Այս բոլոր խրամատներն ու ձորերը, լեռնային լանջերն ու ստորոտները, ծածկուած են եղել ընտիր անտառներով, բայց անխնամ մնալով՝ այժմ միայն մացառներ ունին: Ձորերում բնակութիւնների մօտ պարտէզներ եւ ընդարձակ ծառատաններ շատ կան:

Թորդում գետը դէպի հիւսիս ընթանալով՝ աջից ընդունում է Կազարիս առ-ը որ լողսում է Կանգիլ լ-րից, Կարազեօզ լճակի